

Icebo Cakwa Lesa Caishile Kuli Kasesema William Marrion Branham

“Bula Icilembelo Cobe No Kulemba”

Inshita imo munshita ya bushiku ilyo nalefwaya Shikulu, Umupashi wa Mushilo walinjebele ukusenda icilembelo candi no kulemba. Ilyo nabulile icilembelo ku kulemba, Umupashi Wakwe walimpele imbila iya ku lukuta. Ndefwaya ukuileta kuli imwe. Ili necakucita ne Cebo na nabwinga.

Ifi efyo ndeesha ukulanda kuli imwe. Ifunde ilya kufyalana lyakutula icilengwa conse cilingile ukuleta umusango waciko, nangu ukulingana no Kutendeka 1:11, “Kabili Lesa atile, pesonde napameshe icani, imbuto ishiponye nseke, imiti yafisabo itwale fisabo mu misango ya iko, umuli inseke sha iko pe sonde: elyo cali ifyo.” Umusango onse uwa bumi uwali mu mbuto bwaishileba mu cilimwa kabili mpaka na mucisabo. Ifunde limo line lyaba na ku lukuta ilelo. Umusango wa mbuto onse uwatendeki ulukuta uli nokwisa kabili uli no kuba nge mbuto ya ntendekelo pantu ni mbuto imo ine. Muli shino inshiku shakulekelesha Ulukuta lwa cine ulwa kwa Nabwinga (ulubuto lwa kwa Kristu) luli nokwisa kwi libwe lya Pamutwe, kabili akaba ulukuta ulwapulamo, uluko ulwapulamo, ilyo alepalamina kuli Wene. Abo ababa muli nabwinga bali nokuba abapalana sana nga Ena icakutula bakaba na mu cipasho Cakwe cine. Ici cili pamulandu wakuti benga ampana Nankwe. Bakaba umo. Bali nokuba ukulangishiwa kwine ukwa Cebo icakwa Lesa wa mweo. Ifilonganino teti fimenshe ici (imbuto iyalubana). Baka mensha ifisumino fyabo kabili ne fishilano, ukusankanya pamo ne Cebo. Uku kusankanya kuleleta icintu ca hybrid.

Umwana wantanshi (Adam) ali Icebo cakwa Lesa imbuto iyalandwa. Apelwe na bwinga ku kuifyala umwine. E mulandu wine nabwinga apelwe kuli wene, ku kuifyala umwine; ku kufyala umwana wa kwa Lesa naumbi. Lelo aliwile. Awile pa mulandu wa kusankanya. Amulengele ena ukufwa.

Umwana wacibili (Yesu), nao Icebo cakwa Lesa Imbuto iyalandwa apelwe nabwinga nge fyo cali kuli Adam. Lelo ilyo talamuupa, naena aliwile. Ena, nga filya umukashi wakwa Adam, abikilwe ku kweshiwa nga cakutila ali noku cetekela Icebo cakwa Lesa no kuba no mweo, nangu ukutwishika Icebo no kufwa. Ali twishike. Ali fumine ku Cebo. Alifwile.

Ukufuma ku kalibumba akanono aka mbuto ya cine iya Cebo, Lesa akapela Kristu nabwinga uwatemwikwa. Ni nacisungu uwa Cebo Cakwe. Ni nacisungu pantu taishiba ifisumino ifya pangwa no muntu atemwa ifishilano. Na kabili namukupitila mu filundwa ifyakwa nabwinga fikafikilishiwa fyonse ifyalailwe na Lesa ku kulangishiwa muli nacisungu.

Icebo icabulayo caishile kuli nacisungu Maria. Lelo Icebo cabulayo ali ni Ena, Umwine, ku kulengwa ukumoneka. Lesa alimoneke. Ena, Umwine, alibombele ilya nshita kabili afikilisho Icebo Cakwe umwine ica bulayo muli nacisungu. Cali ni malaika uwamuletele imbila. Lelo imbila yakwa malaika yali Icebo cakwa Lesa. Esaya 9:6. Ali fikilisho pali ilye nshita fyonse ifyalembelwe pali Wene pantu ali sumine Icebo Cakwe kuli ena.

Ifilundwa fyakwa nabwinga nacisungu baka Mutemwa, kabili baka kwata amaka Yakwe, pantu Wene e mutwe wabo, kabili na maka yonse Yakwe. Baba aba kunakila Ena nge fyo ifilundwa fya mibili yesu fyaba ifya kunakila imitwe yesu.

Moneni ukumfwana kwa kwa Tata kabili no Mwana. Yesu tatalile ukucita icintu icili conse mpaka intanshi calangishiwe kuli Wene na Tata. Yohane 5:19. Uku kumfwana kuli nomba ukubapo pakati ka kwa Shibwinga na nabwinga Wakwe. Alamulangisha Icebo Cakwe ica bumi. Ala cipokelela. Ena tacitwishika nangu limo. E ico, tapali nangu cimo icinga mucena, ne mfwa ine tekuti. Pantu imbuto nga yabyalwa, amenshi yali nokuibusha nakabili. Iyi pano inkama ya ici. Icebo cili muli nabwinga (nge fyo cali muli Maria). Nabwinga alikwata amano ya kwa Kristu pantu ali ishiba ifyo Afwayo ukucitwa ne Cebo. Abomba ifyo ba mweba mu Cebo mwi shina Lyakwe pantu nakwata “efyo asosa Shikulu.” Elyo Icebo

cilaletwa ku bumi ku Mupashi kabili cilesa mukufikilishiwa. Kwati fye ni mbuto iyo ibyelwe no kutapilishiwa, ilelsa mukusombolwa ukutuntulu, ukubomba umulimo waiko.

Balya ababa muli nabwinga bacita fye ubufwayo Bwakwe. Tapali nangu umo ungabalenga ukucita cimbi. Bena bali kwata'efyo asosa Shikulu'nga' teifyo bekala tondolo. Bena balishiba ukuti cilingile ukuba Lesa muli bena ukucite milimo, ukufikilisha Icebo Cakwe umwine. Tapwile imilimo Yakwe yonse ilyo Ali muli bukapyunga bwakwe pe sonde eico nomba Alebombela mukati ukupitila muli nabwinga. Alishiba ico, pantu tayali ni nshita kuli Ena ukucita ifintu fimo ifyo Alingile ukucita nomba. Lelo Ali nokufikilisha nomba ukupitila muli nabwinga ulya mulimo uo Ashile pamulandu waino nshita.

Nomba lekeni twiminine nga filya Yoshua na Kaleb. Impanga yesu yabulayo ileisa mukumonekela nga filya iyabo yacitile. Nomba Yoshua cipilibula “Yehovah-Kapususha,” kabili emininako intungulushi ya nshita ya mpela iyo ili nokwisa ku lukuta nga filya Paulo aishile nge ntungulushi yantendekelo. Kaleb emininako balya abaikele bucishinka na Yoshua. Ibukisheni, Lesa atendeke Israel nga nacisungu ne Cebo Cakwe. Lelo balefwaya icintu icapusana. Efyo lwacitile no lukuta ulwa bushiku bwa kulekelesha. Moneni ifyo Lesa taseseshe Israel, nangu ukumuleka ukuya mu mpanga yabulayo mpaka caishileba inshita Yakwe iyasontwa. Nomba abantu limbi bali bikile ukutitikisha pali Yoshua, intungulushi, no kutila, “Impanga yesu, natuleya no kuibula. Yoshua, iwe naupwa, ulingile walilufya umulimo obe, taukwete amaka ayo wakwete. Waleumfwa ukufuma kuli Lesa kabili walishiba ubufwayo bwakwa Lesa, no kubomba ulubilo. Cimo nacilubana kuli iwe.” Lelo Yoshua ali ni kasesema uwatumwa na Lesa kabili alishibe amabulayo yakwa Lesa, eico ale yalolela. Alelolela ukupanga ukwapwililika ukufuma kuli Lesa kabili ilyo inshita yaishile iya kusela, Lesa abikile ubutungulushi bwakwe ubutuntulu mu maboko ya kwa Yoshua pantu alikele ne Cebo. Lesa kutiasubila Yoshua lelo tebalya bambi. Eico cika bwekeshapo muli buno bushiku ubwakulekelesha. Ubwafya bumo bwine, ukutitikisha kumo kwine.

Buleni icilangililo tumona muli Mose. Uyu kasesema uwawabwira umukalamba uwa kwa Lesa ali kwete ukufyalwa ukwaibela, pakufyalwa pa nshita iyalinga pa mulandu wakupokolola ulubuto lwa kwa Abraham ukufuma ku Egypt. Taikelepo mu Egypt ku kusalikana Amalemo nabena, nangu ukusushanya na bashimapepo. Aile mu matololo mpaka abantu bali abaitayanya kukumupokelela. Lesa aitile Mose ku matololo. Ukulolela takwali kulubali lwa kwa Mose lelo pa mulandu wa bantu abashali abaitayanya ku kumupokelela. Mose atontonkenye ukuti abantu bali no kumfwa lelo tabaumfwile.

Elyo kuli Eliya uyo uko Icebo cakwa Shikulu caishile. Ilyo apwile ukushimikila icine kabili lilye bumba kunuma kulya ilyo lyaba lyakutangilila ibumba lya kwa Yesebel wa America abashinga pokelela Icebo, Lesa ali mwitile ukufuma mwibala kabili apumine ilye nkulo pakukana kasesema ne mbila iyo Lesa apele. Lesa amwitile mu matololo kabili taishile nangu ni ku mfumu. Balya abaesesho ukumupatikisha ukucita filya, balifwile. Lelo Lesa alandile kuli kasesema Wakwe uwa cishinka mu cimonwa. Ukufuma mukufisama alishile no kuleta nakabili Icebo kuli Israel.

Elyo alishile Yohane Kabatisha, uwakutangilila Kristu uwacishinka, kasesema impalume ku bushiku bwakwe. Taile kwi sukulu lya bawishi, nangu isukulu lya ma Phariseo – taile ku cilonganino nangu cimo, lelo kulya ku matololo alitilwe kulya na Lesa. Kulya alikele mpaka Shikulu alimutumine ukuya ne mbila, ukubilisha, “Messiah ali mupepi.”

Nomba katubule ukusoka ukwa Malembo pano. Bushe tacali ni munshiku shakwa Mose umu Lesa ashininkishe ukuti Korah aliminine no kukanya ulya kasesema impalume? Ali talikishenye na Mose no kusosa ukuti ali kwete insambu nao ukufuma kuli Lesa ukutungulula abantu kabili no kutila bambi balikweteko mu busokololo bwa Bulesa nga filya fine acitile Mose. Alikene amaka ya kwa Mose. Nomba abantu kunuma kulya, pa numa lintu baumfwile Icebo ica cine kabili bali abaishiba bwino bwino ne cishinka icakutula kasesema uwa cine ali shininkishiwe kuli Lesa, ndetila balya bantu bawilile Korah

ne fikansa fyakwe. Korah tali ni kasesema wa Malembo lelo abantu mu mpendwa ikalamba ne ntungulushi shabo bali mukonkele. Ngefyo bakashimikila balelo ne milimo yabo iya kana ka ng'ombe ka golde nga filya iya kwa Korah. Balamoneka bwino ku ban-tu nge fyo Korah amoneke bwino lilya. Balikwata umulopa pa mpumi shabo, amafuta pa maboko yabo kabili ne mipila ya mulilo ku ntanshi. Balasuminisha bakashimikila abanakashi, ukuleka abanakashi ukubeya umushishi wabo, ukufwala amatoloshi no tuputula, no kucilila Icebo cakwa Lesa pa mulandu wa fisumino fyabo ne fishilano. Cilya cilangisha umusango wa lubuto ulwaba muli bene. Lelo te bonse abantu aba futatwike kuli Mose no kufuma ku Cebo cakwa Lesa. Awe. Abasalwa balikele nankwe. Cimo cine cilecitika nakabili ilelo. Abengi balefuma ku Cebo lelo bamo balekala nacena. Lelo ibukisheni umulumbe uwa ngano na mankumba. Amankumba yalingilwe ukukakwa imyanshi ku kocewa. Ishi nkuta ishapona shilekakwa ukupalamishiwa kabili ukupalamishiwa capamo, ukuteyanishiwa ku mulilo wa bupingushi wa kwa Lesa. Lelo ingano shili no kukolonganikwa kuli Shikulu.

Nomba ndefwaya imwe ukuba abacenjela sana pano nokumona ici. Lesa ali laya ukuti pa nshita ya mpela Malaki 4 ili nokwisa fikilishiwa. Cilingile caba pantu cena Cebo cakwa Lesa icapelwa ubumi no Mupashi icalandwa na kasesema Malaki. Yesu alangishe kuli cena. Cili no kuba fye ilyo Kristu talaisa umuku wacibili. Pa nshita ilyo Yesu aleisa Amalembo yonse yalingile ukufikilishiwa. Ukwingilamo kwa Bena fyalo kukaba mu nshita yakuko ya lukuta lwakulekelesha ilyo ilye nkombe ya Malaki ileisa. Akaba uwalungatana ne Cebo. Akasenda Baibele yonse ukufuma ku Kutendeka ukufika ku Busokololo. Akatendekela pa lubuto lwa cisoka no kutwalilila mpaka naku nkombe mu mfula yakulekelesha. Lelo baka mukana ku filonganino.

Alingile ukuba pantu lilya lyashi lyakale lileibwekeshapo iline ukufuma pa nshita ya kwa Ahab. Ilyashi lyakale lya kwa Israel munshita ya kwa Ahab lilecitika muno mwine mu America umo kasesema wa muli Malaki alemonekela. Nge fyo Israel afumine mu Egypt ku kupepa mu buntungwa, ali sunkile

abekashi bamu calo, kwaiminine inko ne ntungulushi ishikalamba nga Dabidi, nabambi, kabili elyo babikile Ahab pa cipuna na Yesebele kunuma yakwe ku kutungulula, eico na ifwe natucita icintu cimo cine mu America. Ifikolwe fyesu fyaishile muli ino impanga ku kupepa no kwikala mu buntungwa. Bali sunkile kunuma abekashi bamu calo no kusenda impanga. Abaume impalume nga Washington na Lincoln baliimine lelo panuma ya kashita abaume bambi abo ababa na mano ayanono bapyene aba abaume abalinga icakutila pa nshita inono Ahab abikilwe mu cipuna ca bukateka na Yesebele kunuma yakwe ku kumutungulula. Cali pali iyi nshita nga ilya lintu inkombe ya Malaki ilingile ukwisa. Elyo mu mfula ya kulekelesha muli no kwisa icilangisho ica pa Mpili ya Carmel. Lolekesheni ici bwino bwino nomba ku kucimona mu Cebo. Yohane ali wa kutangilila wa Malaki 3. Ali byele imfula yantanshi kabili bali mukene ku tubungwe twa bushiku bwakwe. Yesu alishile kabili ali kwete icilangisho ica pa Lupili ulwasansama. Katangilila wa cibili uwakwa Kristu akabyala pa mfula ya kulekelesha. Yesu eukabe icilangisho pakati ka filonganino ne fisumino, pantu Ali no kwisa ku kushininkisha Icebo Cakwe no kusenda nabwinga Wakwe mu kwilulwa. Icilangisho ca ntanshi cali Ulupili lwa Carmel; ica cibili cali Ulupili Ulwasansama, kabili ica citatu cili no kuba Ulupili lwa Zion.

Imibela iyaibela iyakwa Mose, Eliya, na Yohane ukufutatuka ukufuma pa bantu mukuba beka yashile abengi abafulungana. Tabatalile ukwishiba ukuti cali ni pa mulandu imbila shabo bali shikene. Lelo imbuto yali byelwe, ukubyalwa kwalipwile. Ubupingushi e bwalekonkapo. Bali bombele umulimo wabo nge cishibilo ku bantu, eico ubupingushi e bwalekonkapo.

Ndecetekela ukulingana no Kusokolola 13:16 ukuti nabwinga ali no kwisa leka ukushimikila pantu iciswango cilefwaya ululembo mu kuboko nangu pa mpumi nga cakuti ukusuminisha ukushimikila kupelwe. Ifilonganino fikasenda ululembo, atemwa bakapatikishiwa ukuleka ukushimikila elyo. Umwana wa Mpaanga akeshila nabwinga Wakwe no kupingula cilende mukalamba.

Nomba ibukisheni ukuti Mose afyalilwe pa mulimo umo, lelo tacitile ulya mulimo mpaka ilyo apokelele ifyabupe ifyo ifinga mwafwa ukubomba umulimo. Ali no kuya mu ciswebebe no kulolela kulya; Lesa alikwete inshita iyasontwa. Kwali nokubako Farao umbi pa cipuna ca bufumu, kabili na bantu balingile ukulalilila umukate wa mweo, lintu Lesa talamutuma kulya. Ici cishinka pa bushiku bwesu.

Lelo ni cinshi ico tukwete mu bushiku bwesu? Abengi balebomba ifishibilo mpaka twakwata inkulo yabafwaya icishibilo abaishibe finono Atemwa akantu nelyo kamo pa Cebo, Atemwa ukwenda ukwacine ukwa Mupashi wakwa Lesa. Nga bamona umulopa, amafuta no mulilo balatemwa; tacaba nangu cimo pa fisangwa mu Cebo. Bakasuminisha icishibilo icili conse, nangu ifishaba mu-mumalembo. Lelo Lesa alitusoka pali ifyo. Atile muli Mateo 24 ukuti mu nshiku shakulekelesha imipashi ibili ikaba iyapalamana sana capamo icakutula abasalwa beka ebengaipusanya, pantu bena fye beka tekuti babepwe.

Kuti mwaipusanya shani imipashi? Ipeleni fye ubwesho bwa Cebo. Nga tailelanda cilye Cebo, yaba iya mubifi. Ngefyo umubifi abepele ba nabwanga abantanshi babili, akesha ukubepa nabwanga uwa buno bushiku bwa kulekelesha, pa kwesha ukumusenda ikuisankanya umwine ukupitila mu fisumino, Atemwa pambilibili ukufutatuka ukufuma ku Cebo ku cishibilo icili conse iciwamina ena. Lelo Lesa tatala ukubika ifishibilo ku ntanshi ya Cebo. Ifishibilo fikonka Icebo, nga lilya Eliya aebele umwanakashi uku mupangilako umukate intanshi, ukulingana ne Cebo cakwa Shikulu. Lintu acitile nge fyo Icebo casosele, icishibilo icalinga calishile. Iseni ku Cebo intanshi kabili elyo mumone icipesha mano. Imbuto ya Cebo ipelwa maka no Mupashi.

Kuti caba shani iili yonse inkombe iyatumwa ukufuma kuli Lesa ukucetekela iciputulwa cimo ica Cebo kabili nokukana fimo muli cena? Kasesema uwa cine uwa kwa Lesa muli buno bushiku ubwakulekelesha akabilisha Icebo conse. Ifilonganino fikamupata. Ifyebo fyakwe kuti fyaba ifyakalabana nge fyo Yohane Kabatisha uwabetile amafwafwa. Lelo abalingilwe

libela bakomfwa no kuba abaiteyanya ku kusendwa. Aba bufyashi Babufumu bakwa Abraham, ne citetekelo nga cilya akwete Abraham bakekatilila ku Cebo pamo nankwe, pantu basontelwe kabela capamo.

Inkombe iya bushiku bwakulekelesha ikamoneka mu nshita iyasontwa na Lesa. Ni munshita ya mpela nombamba nge fyo bonse mwaishiba, pantu Israel ali mu mpanga ya mushi wakwe. Inshita ili yonse nombamba ali nokwisa ukulingana na Malaki. Ilyo tukesa mumona, akaba uwaipela ku Cebo. Akalangishiwa (ukusontwa umu mu Cebo, Ubusokololo 10:7) na Lesa akashininkisha bukapyunga bwakwe. Akashimikila icine nge fyo acitile Eliya no kuba uwaiteyanya ku cilangisho ca pa Lupili lwa Zion.

Abengi tabakamumfwikishe pantu balifundwa Amalembu mu nshila imbi ifyo basumina nge cine. Ilyo aleisa mukususha cilya, tabakacetekele. Nangu bakashimikila bamo abacine tabakomfwikishe inkombe pantu ifingi fyalitwa ukuba icine ca kwa Lesa na bakabepa.

Lelo uyu kasesema akesa, kabili nge fyo katangilila ku kwisa kwantanshi abilishe, “Moneni Umwana wa Mpaanga wakwa Lesa usenda imembu sha calo,” nangu ena ukwabula ukutwishika akabilikisha, “Moneni Umwana wa Mpaanga wakwa Lesa uleisa mu bukata.” Akacite ci, pantu nangu filya Yohane ali ni nkombe ya cine ku basalwa, efoyo noyu wine abe nkombe yakulekelesha ku basalwa kabili nabwina uwafyalwa ku Cebo.

(Ukufuma Mu Bulondoloshi Bwa Nshita Sha Nkuta Cinelubali)

BEMBA

©1995 VGR, ALL RIGHTS RESERVED

VOICE OF GOD RECORDINGS

P.O. Box 950, Jeffersonville, Indiana 47131 U.S.A.

www.branham.org

Icishibisho ukufuma ku mwine kalemba

Insambu shonse tashisuminishiwe. Ili buku kuti Iya lembwa pali pulinta yapa ng'anda ku kubomfya kwa muntu pa lwakwe nangu ukupela, ukwabula amalipilo, nge cipe caku sabankanya Imbila nsuma iya kwa Yesu Kristu. Ili buku tekuti lishitishiwe, ukulembululwamo ayengi, ukubikwa pa mwela, ukusungila muli ba mashini, ukwalula mu ndimi shimbi, nangu ukuli bomfya ku kulomba indalama ukwabula insambu shalembwa na ba Voice Of God Recordings®.

Nga mulefwaya ukwishibilapo nafimbi nangu ukufwaya na fimbi ifyabapo, twalomba tumeni kuli ba:

VOICE OF GOD RECORDINGS

P.O. BOX 950, JEFFERSONVILLE, INDIANA 47131 U.S.A.

www.branham.org